

大

觀

錄

大觀錄元賢詩翰姓氏卷十上目錄

伯顏 廉希憲 完澤 董文炳 張弘範 劉秉

忠 張文謙 郝經 姚樞 許衡 竇默 宋

子貞 商挺 趙良弼 王磐 王鶚 高鳴

李冶 李昶 劉肅 王思廉 李謙 徐世隆

孟祺 閻復 王恂 楊桓 楊果 王構

焦養直 史弼 張頌 金履祥 許謙 陳櫟

蕭剡 胡長孺 熊朋來 戴表元 牟應龍

鄭滁孫 孟攀鱗 尙野 李之紹 王惲

陳祐 劉宣 何榮祖 陳思濟 胡砥適 張

昉 楊湜 劉因 程鉅夫 趙孟頫 鮮于樞

鄧文原 袁桷 元明善 虞集 范梈 揭

傉斯 貫雲石 黃潛 柳貫 巖巖 泰不華

余闕 曹元用 齊履謙 燕公楠 馬紹

姚燧 郭貫 劉賡 郝天挺 張孔孫 張珪

李孟 張養浩 敬儼 曹伯啓 王壽 王

倚 金應桂 龔開 方回 袁易 李侗 錢

選 薩都刺 張仲壽 陳孚 馮子振 董朴

楊載 劉詵 韓性 張思明 張昇 陳顥

梁曾 劉敏中 王約 宋衙 張伯淳 趙

世延 孔思晦 盧摯 張起巖 歐陽玄 許

有壬 宋本 李洄 蘇天爵 王都中 呂思

誠 汪澤民 干文傳 李稷 曹鑑 張翥

貢師泰 周伯琦 吳當 陸文圭 周仁榮

陳旅 吳師道 李孝光 陳繹曾 宇文公諒

瞻思 杜本 吾邱衍 仇遠 班惟志 柯

九思 郭昇 趙雍 趙奕 王士熙 王士點

周馳 張衡 白斑 薛漢 史性良 趙儼

段天祐 龔璠 張璠 倪中 高翼 吳里

汪從善 任仁發 宗椿 孟昉 劉楨 楊

益 劉致 張德琪 牛麟 趙期頤 傅若金

李敏中 石巖 胡益 袁衰 鄭瑤 章德

懋 陸友 錢良佑 羅志仁 吳叡 俞和

宣昭 鄭杓 吳福孫 王畝 邊武 俞鎮

董復 林鏞 鄭禧 吳雲 揭汰 陳達 蔣

惠 王默 劉堪 楊椿 廉希貢 夏煜 葛

萬慶 杜敬 唐志大 宋季子 衛德辰 曹

永 朱德潤 鄭元祐 楊維禎 楊維翰 張

淵 顧安 蘇大年 顧德輝 黃中 周宗仁

大 舊 錢 目 錢

二 作 黃 寧

鄭炳 杜從訓 張伯仁 陳德永 章弼

范居中 吳全節 張雨 明本 萬金 妙聲

大觀錄元賢詩翰姓氏卷十上

吳郡吳升子敏彙輯

丞相伯顏

公蒙古八鄰部人至元十一年秋世祖命將二十萬衆大舉伐宋公深略善斷諸帥仰若神明宋平歸朝行囊惟衣被而已口不言功薨贈太師封淮安王謚忠武書工行草妍秀穩密藹乎君謨遺韻

太師廉希憲

公字善甫幼耽經史世祖居東宮入侍目爲廉孟子迨胡戴卽位經略關陝川蜀殊勳爛然在中書綜核名實振舉綱維天下號稱治平薨贈太傅封魏國公謚文正書體端勁無點畫草率得歐虞妙境

右相完澤

大觀錄卷十

一怡寄軒

公至元末拜中書右丞相革桑哥弊政請免積逋民賴其惠受遺顧命擁輔成宗軍國重務一聽主錄能以安靜爲治不急功利故吏民守職天下樂業稱賢相云卒封興元王謚忠憲書體嚴勁有平原法度

平章董文炳

公字彥明藁城人世祖潛藩卽從征南詔及卽位拜參知政事命隨伯顏平宋入宮收圖籍文書秋毫無所取軍中稱之而勞徠安集厥功尤多還朝拜僉書樞密院事中書左丞卒贈平章謚忠獻書類兼善

將軍張弘範

公字仲疇定興人善馬槊能爲歌詩至元中授鎮國上將軍江東道宣慰使加蒙古漢軍都元帥統舟師入崖山平宋獲其符璽勒石紀功而還尋瘴疾作卒

贈齊國公謚忠武書體豐妍與疇齋同一結構

太保劉秉忠

公字仲晦邢州人爲僧海雲掌書記遊雲中侍世祖於潛邸以知兵密謀帷幄尤以好生不殺導勸王仁至元初從王鶚請始正衣冠位太保卒封趙國公謚文正有文集十卷書學誠懸行草更鋒鈔射人

樞密張文謙

公字仲謙沙河人與劉太保同學世祖潛藩太保薦掌書記迨卽位累拜樞密副使卒封魏國公謚忠宣公剛明簡重所陳皆堯舜之道數忤權倖不以得喪介意惟孜孜以人材爲急書學與子晏同法

侍讀郝經

公字伯常澤州人世祖開邸金蓮川召公諮問治略

公條上數十事稱旨遂留邸至元初拜侍讀學士充國信使使宋拘留十六年放還卒謚文忠撰續後漢書通鑑書法及文集數百卷書類司馬端衡

承旨姚 樞

公字公茂柳城人遷洛陽世祖在潛邸召至待以客禮從征大理裂帛爲旗書止殺之令民得相完卽位後累官翰林學士承旨卒謚文獻公具王佐大略而天質仁恕負德不怨人稱長者書善行楷

祭酒許 衡

公字仲平河內人亂後往來河洛間從姚樞得程朱書大有得遂以道自任至元八年拜國子祭酒請徵王梓姚燧等十二人爲齋長尊師敬業諸生嚮化卒贈司徒謚文正詔立魯齋書院祀之書法全學君謨

太師寶 默

公字子聲廣平人遭亂播遷亂定還鄉教授世祖召處藩邸敬待如禮屢薦姚樞史天澤許衡在帝左右至元中拜昭文館大學士卒贈太師謚文正公溫然儒者至面折廷諍汲黯不過也書得季海筆致

平章宋子貞

公字周臣潞州人弱冠領鄉薦以詞賦見稱太宗七年官右司郎中中原略定庶事草創公分官糾察獎廉懲墨民得甦息世祖卽位累拜平章政事陳時務十二策帝悔用之晚也卒年八十一書法特工行隸

樞密商 挺

公字孟卿濟陰人世祖潛藩徵對稱旨字呼不名迨踐祚皆公與廉希憲密贊計畫累拜參知政事樞密

大觀錄卷十

三怡寄軒

院副使命爲安西王相坐二郭獄逮繫者再尋釋卒
贈魯國公謚文定有內制集工隸書正行亦古勁

僉院趙良弼

公字輔之女直人舉進士見世祖於藩邸擢爲邢州
幕嘗隨征江淮所至宣布恩德民皆安堵北遷勸世
祖嗣登大位奉使日本銜命不辱歸拜僉書樞密院
事卒封韓國公謚文正書法有筆力

學士王磐

公字文炳廣平人擢進士中統初拜益都等路宣撫
副使以疾免李璫迎致於幕察其不軌馳聞帝嘉之
拜直學士出爲真定等路宣慰使治有聲績召遷太
常少卿奏立朝儀殿陛整肅孔子林廟戶百家軍興
收括奏請復給士論譏之忠言讜論凡所敷陳皆見

施行致仕卒封洛國公謚文忠書體挺勁有坡公骨力

承旨王鶚

公字百一東明人金進士世祖在潛邸訪求遺逸聘之至金主昫請往葬祭帝義而許之中統初授翰林學士承旨制誥典章皆所裁定卒謚文康著汝南遺事及應物集書法絕類京下二蔡

尚書高鳴

公字雄飛真定人少以文學知世祖召爲翰林學士至元中立御史臺以公爲侍御史裁定條章選任名士時論歸之嘗入內值大風雪賜尚方酒饌敬勞遷吏部尚書卒有文集五十卷書得晉人風致

學士李冶

大觀錄卷十

匹怡寄軒

公字仁卿樂城人金進士流落忻崞聞世祖聞其賢
召之至數問用人行政得失晚家元氏授徒講學世
祖卽位召處清要懇求還山至元初再以學士徵就
職期月辭去卒著敬齋文集書比鮮于太常更優

尙書李昶

公字士都東平人與父世弼同中金興定二年進士
世祖伐宋次濮州召見訪問國事日見親遇至元五
年拜吏禮部尙書賜田歸養卒著春秋左氏遺意孟
子權衡諸書書工行草秀逸有風趣

尙書劉肅

公字才卿洛水人金興定進士金亡依東平嚴實辟
行省左司員外中統初擢真定宣撫使尋授左三部
尙書官曹典憲多所裁正兼議中書省事致仕卒封

邢國公謚文獻書本薛稷體一變而爲行法

右丞王思廉

公字仲常獲鹿人董文忠薦之世祖官待制嘗命至
皇后閣講衍長孫后諫殺魏徵事至元末累遷樞密
院判官歷事成武諸宗以翰林學士承旨致仕卒贈
右丞謚文恭書似明皇鶴鵠頌而筆氣古厚

集賢李謙

公字受益東阿人王磐薦爲翰林應奉一時制誥多
出其手輔導東宮深見器重遷侍讀學士成宗立召
拜翰林承旨仁宗嗣位首徵赴闕力疾見上陳十二
事擢集賢大學士卒有野齋集書似理宗而古拙

尙書徐世隆

公字威卿西華人金進士世祖潛藩召見於日月山

大觀錄卷十

五怡寄軒

與語大悅卽位後累官吏部尚書出爲東昌路總管提刑山東淮東歸老卒明習典故朝廷大政諮而後行尤精律令善決疑獄有瀛洲集書體行筆瘦勁

總管孟祺

公字德卿符離人大臣交薦於朝擢翰林應奉伯顏平宋以夙望選充贊畫軍書旁午應機立剖知兵曉戰丞相倚辦方略還朝奏功褒授嘉興路總管解官歸卒謚文襄工書法以行草得名而隸尤可觀

平章閻復

公字子靖高唐人至元間王磐薦入翰林累升學士世祖勵精圖治欲用爲執政謝辭歷事成武仁三朝請建先師廟復守塚戶減田租皆政之大者授平章政事卒謚文康著靖軒集書法得化度寺碑之神逸

祭酒王恂

公字敬甫唐縣人劉太保奇其才薦之世祖命爲東宮伴讀集唐虞以來嘉言善政俾太子受業焉尋領國子祭酒國學之制實始於此遷太史令推定歷書卒贈定國公謚文肅著效古集書法絕倣山谷

司業楊桓

公字武子兗州人至元末官御史成宗踐祚上時務二十一事帝嘉納之遷祕書少監預修大一統志秩滿歸召爲國子司業卒公博覽羣籍文詞雅贍尤精篆籀之學著六書統諸書

參政楊果

公字正卿祁州人金正大閱進士金亡參議史天澤於軍事兵革之餘公隨宜贊畫民賴全活中統初參

知政事出爲懷孟路總管致仕卒工文章長於樂府善諧謔聞者絕倒有西菴集書法妙得蘭亭三昧

承旨王構

公字肯堂東平人以詞賦中選至元中授翰林編修與李槃至杭收宋三館圖籍薦拔知名士累拜翰林學士承旨卒公歷事三朝練習臺閣典故謚冊冊文等皆所撰定書體與子士熙士點皆稱漂晉流唐也

右丞焦養直

公字無咎東昌人至元閒拜典瑞監從征朵顏還侍帷幄成宗朝輔導東宮啓沃誠至帝聞而賢之至大初授集賢大學士謀議大政咸預焉卒贈右丞謚文靖書法古厚指腕間具魯公筋力

平章史弼

公字君佐博野人力能挽強命中至元閒隨伯顏下江破襄樊功第一累官淮東宣慰使維揚人立三至碑頌之詔征瓜哇還停仕元貞初召拜平章政事卒具經濟才後進希風自號紫微老人書得晉人體魄

教授張頌

公字達善蜀之導江人僑居金華自六經語孟及周程張朱之微言奧義靡不究極根柢中州士大夫爭闢家塾迎之遠近翕然尊爲碩師不敢字呼稱爲導江先生用大臣薦特命爲孔顏孟三氏教授其高第弟子知名者夾谷之奇楊剛中尤顯有經說及文集吳澄爲之序

文安金履祥

公字吉父蘭谿人師事王柏何基濂洛之學具經

濟之略襄樊師急進牽制搆虛之策宋帥不能用及
鼎遷屋社屏居金華山絕意仕進著通鑑前編諸書
大德中卒賜諡文安

文懿許謙

公字益之金華人受業金履祥之門得其精奧開門
講學四方之士以不及門爲恥至以其身之安否爲
斯道之隆替著叢說名物鈔自省編諸書至元中卒
賜諡文懿

孝廉陳櫟

公字壽翁休寧人年十五卽爲鄉人師宋亡發憤於
聖人之學取諸儒之說有畔於朱紫陽爲之刊去復
引伸而補其闕延祐中鄉闈中選教授於家學者稱
定宇先生元統初卒

祭酒蕭 軾

公字惟斗奉元人讀書南山嘗製一革衣由身半以下及臥輒倚其榻世祖時徵辟不赴大德中拜太子諭德尋除集賢學士國子祭酒卒謚貞敏制行高潔爲一代醇儒著勤齋文集書工漢隸爲專門名家

運使胡長孺

公字汲仲永康人咸淳中隨外舅徐道隆入蜀銓試第一官福寧州侂宋亡退棲永康山至元中召授集賢修撰至大初主寧海簿發奸摘伏權誦捍闔殊類趙廣漢轉兩浙都轉運鹽使歸隱虎林山卒爲文章金春玉撞碑板焜煌照耀四裔著瓦缶編南昌集寧海漫鈔顏樂齋稿書法多鐫入停雲體不復綴

別駕熊朋來

大觀錄卷十

八一怡寄軒

公字與可豫章人宋王龍澤榜下進士世祖遺王構銓選江西用徐瑋等薦授福建廬陵教授晚以福清州判官致仕屢爲江浙湖廣考試官學者稱天慵先生有家集三十卷隸體寓篆法最古行書宗魏晉

博士戴表元

公字帥初奉化人宋咸淳中登進士乙科大德閒執政薦於朝起家爲信州教授調婺州辭慨然以振興斯文爲己任名重東南翰林集賢以修撰博士薦尋卒著剡源集書體雖弱然秀而多姿

主簿牟應龍

公字伯成宋大理卿巖子吳興人登咸淳進士入元留夢炎逮事世祖招之至京命教授溧陽州以上元縣主簿致仕東南稱文章大家擬之眉山蘇氏泰定

初卒著五經音考書法灑落絕倣唐人體製

學士鄭滁孫

公字景歐處州人宋景定間進士官禮部郎至元末薦授集賢直學士尋升侍講學士乞致仕歸田里公與弟陶孫當時最號博洽隆福宮以其兄弟前朝士製衣親賜著周易記玩等書

行省孟攀鱗

公字駕之雲內人金進士中統三年官待制至元初召見條陳七十事悉嘉納之嘗議郊祀宗廟儀引經據典畫圖以進任陝西五路四川行中書省事卒贈承旨謚文定書工草法妙擅伯英楷則

祭酒尚野

公字文蔚保定人徙滿城至元中徵爲國史院編修

官遷南陽縣尹獄訟無留滯治河渠建言水利有成
法教國子大廣學舍延誨生徒任終集賢侍講學士
兼祭酒卒謚文懿書似危太樸具體而微

學士李之紹

公字伯宗東平人至元徵入國史院修世祖實錄學
士姚燧積翰林應酬文十餘事付之公援筆立就燧
驚歎爲名下無虛士官終翰林侍講學士卒有果齋
文集書體結構圓熟與康里子山同

學士王 暉

公字仲謀汲縣人中統初以善理財遷至京敷歷中
外所在以材能稱而提刑閩海黜貪汙理冤滯撫綏
黎庶治績尤著仕終翰林學士大德中卒謚文定有
烏臺筆補玉堂嘉話諸集書似思陵圓勁而熟

宣慰陳 祐

公字慶甫趙州人中統初除河南西路總管以清慎稱遷衛輝立孔子廟修比干墓去官民立碑頌德至元中擢浙東宣慰使檢覆台州民田寇作遇害謚忠定能詩文有節齋集書法絕仿廟堂碑以韻度勝

中丞劉 宣

公字伯宣太原人至元中官行省郎中從伯顏平江南贊畫居多歷官行臺御史中丞忤行省丞相忙古臺謀置死地誣奏鞫問公以身爲臺臣義不受辱自殺延祐中狀聞詔謚忠憲書法全學松雪

平章何榮祖

公字繼先廣平人折節讀書日記數千言歷官按察遇事明決入爲參知政事與桑哥不合以病告桑哥

敗進中書右丞尋拜昭文館大學士卒謚文憲家貧
行廉著大畜十集書體沈雄蒼老古香可挹

尚書陳思濟

公字濟民柘城人中統初掌敷奏時阿合馬攬權公
不爲屈至元中分命中書省總百揆登庸黜陟憲章
程式多出其手累遷河南江北行中書省事卒贈吏
部尚書謚文肅書體方整饒有丰態

尚書胡祗適

公字紹開磁州人至元初官右司員外建言忤阿合
馬出爲太原路治中以最聞歷升河東山西道提刑
按察使所至抑豪右扶寡弱風俗一變召拜學士不
赴卒贈尚書謚文靖書法秀逸

參政張昉

公字顯卿汶上人嚴實辟授幕職時案牘漫無統紀坐曹躬閱左酬右答理出註誤號爲稱職累官中書省左右司郎中損益古今裁定典憲時皆宜之以尚書致仕卒贈參知政事謚莊憲

侍郎楊湜

公字彥清真定人習章程學工書算中統初與中山楊珍無極楊卜齊名號三楊累官戶部侍郎兼交鈔提舉定賦役之高下權人戶之重輕精心計畫時論經費者推其能焉

學士劉因

公字夢吉容城人七歲作希聖解嘗愛武侯靜以修身之語表所居曰靜修至元中徵授贊善教近侍子弟以疾辭復以學士徵上書宰相固辭卒謚文靖著

小學四書語錄繫辭說諸書書法勁峭饒有骨力

承旨程鉅夫

公名文海以字行建昌人世祖給筆札條奏兵事奇其才累加翰林學士奉詔求賢江南薦趙子孟頫等二十餘人皆擢清要歷官廉訪使諸道肅然拜承旨知貢舉建議爲法卒謚文憲有尚書注解書體純正工大字

文敏趙孟頫

公字子昂湖州人宋太祖後程鉅夫薦入朝元祖擢用累拜翰林學士承旨卒封魏國公謚文敏公服官中外政績聲望及文章著述書畫品務輯注小傳散見錄中第公翰牘領袖元賢此卷何敢佚其姓氏

太常鮮于樞

公字伯機漁陽人官止太常寺典簿體貌雄偉類河
朔士酒酣以往放筆作行草法隨意到趙文敏書家
韓范推轂不容口顧少習爲吏未免帶掾史氣嘗手
編草韻用小楷音釋似鍾太傅固自神古

祭酒鄧文原

公字善之綿州人至元間中書省辟爲杭州路儒學
正召入累拜國子祭酒兼經筵官天歷初卒贈參知
政事謚文肅公內嚴外恕家貧行廉有文集及內制
集正行草書早法二王後宗北海與松雪齊名

侍講袁 桷

公字伯長慶元人闈復等薦入翰林進南郊十議禮
官多采用之至治初累拜翰林侍講學士朝廷制冊
勳臣碑銘多出其手泰定中卒謚文清著清容居士

大觀錄卷十

三怡寄軒

集書法發源晉唐而自成體製髣髴坡公早年筆也

學士元明善

公字復初大名人辟爲樞密掾僉院董士選待若賓友討擒贛吉羣盜全活註誤焚滅私籍二郡戢盜公之功也累升翰林學士眷遇莫比至治初卒謚文敏公早以文章自豪晚益精詣書體純熟矩矱北海

學士虞集

公字伯生母楊夫人通曉性理諸書公受業家庭出從明師學有源委大德初薦入朝累陞奎章閣侍書學士至正閒卒封仁壽郡公會議中書讜論侃侃屢以片言出人於瀕死家貧歸老登門之士相望於道好事爭起邸舍以待焉平生爲文萬篇稿存十二三書法真行草篆皆有矩度隸尤推當代第一

廉訪范 棹

公字德機清江人年三十六始客京師中丞董士選薦爲翰林院編修官歷廉訪司照磨經歷所至興學教民雪冤理滯天歷間卒公居官廉正不可干以私吳澄比之東漢君子長於詩古隸清勁可法

侍講揭傒斯

公字曼碩富州人延祐初程鉅夫盧摯薦入翰林嫻習朝廷典故臺閣儀文天歷初開奎章閣首擢授經郎累升侍講學士詔修遼金宋三史宿留史館得寒疾卒謚文安詩文簡當書法師晉人蒼古有力

學士貫雲石

公字酸齋國名小雲石海涯其父名貫只哥遂以貫爲氏髫年膂力絕人能騎獮馬挽強射生稍長折節

大觀錄卷十

三怡寄軒

讀書襲爵爲萬戶鎮永州御軍嚴猛行伍肅然暇則雅歌投壺一日忽解官讓弟仁宗居東宮聞其名召入宿衛及踐祚拜侍讀學士尋辭去變姓名賣藥錢唐市嘗以詩易漁人蘆花被爲世喧傳泰定初卒封京兆郡公謚文靖有文集及孝經直解隸書變化古人自成家數狂草學素僧妙有波峭

學士黃潛

公字晉卿義烏人延祐初登進士授寧海丞鹽場亭戶咨睢害民公弗顧利害痛繩以法察姦獄之冤誣疏賊盜之無左驗者縣稱神明累官至侍講學士卒謚文獻著日損齋稿書宗薛稷而端楷別自成體

待制柳貫

公字道傳浦陽人受學於金履祥凡六經百氏兵刑

律歷方伎諸書靡不該博爲文春容涵肆仕至翰林待制與黃潛虞集揭傒斯爲儒林四傑有文集及金石竹帛遺文書工篆隸不亞陽冰大楷與清碧同體

學士巖 巖

公字子山康里氏官至翰林學士承旨至正初中書平章闕員帝意在公未及登庸而卒在經筵能隨事獻替文宗嘗觀宋祐陵畫稱善公曰徽宗多能惟不能爲君其譎諫多類此書學永興但多行草極妙

元帥泰不華

公字兼善初名達普化文宗賜今名進士及第官至學士至正中出爲浙東宣慰使都元帥治兵温州招捕方國珍戰死事甚烈封魏國公謚忠介注復古編篆學徐騎省正書得永興正派豐厚有力

參政余闕

公字廷心廬州人元統進士拜江淮行省參知政事
守安慶陳友諒引兵環攻窮百道捍禦孤軍無援裹
瘡血戰城陷度不可支取靴刀自刎墮清水塘死事
聞詔封國公謚忠宣公留意經術五經皆有傳注
軍烽旁午猶謁郡學會講使士民兵伍知尊君親上
之義有古良將風烈篆隸行楷亦瀟雅可法

學士曹元用

公字子貞汶上人讀書過目成誦閭復薦入翰林遷
省掾與元明善張養浩稱三俊英宗時裁定祀事儀
制升直學士累拜翰林侍講學士天歷中方欲大用
尋卒謚文獻著超然集書體凝重學晉入化

太史齊履謙

公字伯恆由星歷生累升國子司業立升齋積分等法教養備至至治初拜太史院宣撫江西爲憲司誣奏事白仍入院卒謚文懿博洽精通所著書篇目甚富書工行法似范老子勁健有骨力

右丞燕公楠

公字國材南康人至元中召對稱旨賜名賽因囊加帶命參大政辭乞補外除僉江浙行省事累拜湖廣行省右丞歷官所至興利去弊劾罷貪橫績用大著元貞四年召還卒賻贈有加

左丞馬紹

公字子卿濟州人世祖時大臣薦入知單州民立碑誦德官刑部活囚以數百計累拜尚書左丞桑哥執政議增鹽課田賦公力爭不可得寢大德閒移河南

行省右丞卒有詩文集書體勁毅行筆大似鐵崖

承旨姚燧

公字端甫幼孤育於伯父樞從許衡學衡官祭酒奏
爲齋長武宗朝累拜翰林學士承旨卒謚曰文文章
春容盛大有西漢風名臣勳德欲行遠傳信必首謁
公文以不得爲愧恥著牧闇文集行書法松雪

學士郭貫

公字安道保定人以才行推擇爲掾拜御史劾宣慰
使昂吉兒專權蠹國廉訪江西振饑恤民饒有惠政
延祐中召拜參知政事謁告還家至治初復起爲集
賢大學士卒謚文憲精篆籀冊寶碑額多出其手云

承旨劉賡

公字熙載洛水人幼有文名至元中薦入國史院累

拜翰林學士承旨兼國子祭酒天歷初卒公久典文翰當時大制作多出其手以耆年宿德爲朝廷所推重云書法稱妙冠絕當世

平章郝天挺

公字繼先安肅州人受業遺山以勳臣子宿衛春宮累拜中書右丞武宗入繼有定策功仁宗立參預大政成皇慶之治卒贈中書平章政事封冀國公謚文定唐詩鼓吹公所注也書法與歐陽圭齋相頡頏

承旨張孔孫

公字夢符隆安人世祖時以奉禮郎副太常徐世隆訂正樂舞爲宰相安童廉希憲所禮重累拜翰林學士承旨公精騎射能琴善畫以風雅稱而立朝謙論不阿尤足重云書法極類黃華老人

平章張珪

公字公端弘範子能挽強命中弱冠拜昭勇大將軍鎮建康平宣徽羣盜成宗朝換文階遷浙西廉訪使劾罷賊吏三十餘人胥徒數百歷相武仁英三朝務持綱體修輔弼之職英宗被弒泰定帝立應詔陳萬餘言皆痛切時弊進吳澄等備顧問辭歸尋召還帝諮詢民瘼奏振河閒等郡饑民爲惠甚大薨上所封蔡國公印著澹菴集書法絕似頴濱而行筆古峭不落尖纖一種

柱國李孟

公字道復上黨人成宗時編次先朝聖政乘驛以進遂留侍仁宗於懷邸大德終仁宗勘定內難迎立武宗公之謀也三入中書閭閻幽隱無不周知引古證

今一歸至當卒謚文忠

中丞張養浩

公字希孟濟南人由省掾授堂邑尹毀淫祠三十餘所寘大猾李虎於法民立碑誦德入拜御史天變陳言怫當國意罷去尋召還至治初參議中書省事會元夕欲於內廷張鼇山鏡上疏諫止天厯中拜陝西行臺中丞大旱民相食公止宿公署晝則振饑夜則禱雨疾卒關中人哀之如父母謚文忠

參政敬儼

公字威卿易水人嗜學善屬文辟中書省掾累官臺省及廉訪使舉劾贓罪執法不撓仁宗朝拜參知政事帝字呼不名天厯中從行上京諸臣帝盡欲孥戮賴公救免卒謚文忠著春秋備忘草書秀勁似伯英

廉訪曹伯啟

公字士開，陽山人。歷仕西臺御史。延祐初，升刑部侍郎。按獄多平反。英宗立，拜山北廉訪使，尋除學士。泰定初，歸碭鄉。人賢之名所居，曰曹公里。至順中卒於毗陵。著漢泉漫藁、書體絕類、宋无子虛、如虎賁中郎賓客王壽。

公字仁卿，涿郡人。至元中，以通國字爲中書掾，尋薦入侍東宮。大德初，擢御史論事愷切。六年，命奉香江南，採聽民風，還對稱旨。武宗立，拜御史中丞，遷太子賓客，集賢大學士，卒。謚文正。

尙書王 倚

公字輔臣，宛平人。世祖時，選侍東宮。劉太保深器重之，有詔皇太子裁決事，幾公盡忠獻替。至元中，授太

子家承尋以品行修潔輔皇孫出鎮懷孟召還拜禮部尚書卒謚忠肅書似王洽端勁有風度

大尹金應桂

公字一之號蓀壁錢塘人仕宋爲縣令入元肥遯不仕楷書宗率更

制司龔開

公字聖與淮陽人仕宋爲兩淮制置司監當官入元不仕高尚絕俗喜畫人馬工古隸得漢魏筆意

總管方回

公字萬里號虛谷翁歙縣人宋景定進士仕元爲嚴州路總管書體似蘇長公

山長袁易

公字通甫號靜春長洲人署徽州路石洞書院山長

書法清麗秀潤迥絕人間塵羹土飯氣

學士李 侗

公字士弘號員嶠真逸太原人官至五集賢侍讀學士卒謚章肅墨竹宗文湖州書法翩翩有館閣氣

進士錢 選

公字舜舉號雪谿翁吳興人居八俊之一宋景定間卿貢進士入元不仕善畫山水師趙千里花竹翎毛師趙昌遇合作處輒自題詩其上書小楷有法但未離宋季衰蹇之態耳

進士薩都刺

公字天錫以字行回紇人登進士仕爲淮西廉訪司經歷詩才曠逸楷書特工

承旨張仲壽

公字希靜號疇齋錢塘人官翰林學士承旨行草宗
義獻具有遺範大字亦工妙

治中陳孚

公字剛中臨海人至元中以布衣上大一統賦副梁
曾使安南授禮部郎中爭門迎詔講尚右之禮致書
詰責不廷皆公筆也使還累遷台州路治中奉命宣
撫全活甚衆疾卒有文集子邁

待制馮子振

公字海粟攸州人官集賢待制豪邁與陳孚同爲文
章酒酣耳熱命侍史潤筆以俟據案疾書隨紙數多
寡頃刻輒盡事料醲郁美如簇錦然律之法度未免
瑕瑜互見耳

修撰董朴

大觀錄卷十

九一怡寄軒

公字太初順德人至元中用薦起家爲陝西知法官親老歸養尋召授太史院主簿皇慶初擢翰林修撰延祐中卒其爲學自六經論孟孟莫不會通該貫家近龍岡世以是稱爲龍岡先生

總管楊載

公字仲弘杭州人延祐初開科目首應詔登進士官止盜國路總管府推官爲文章跌宕有氣詩取材於漢魏三唐一洗宋季陋習趙文敏在翰林極推重之故名動京師

處士劉詵

公字桂翁廬陵人爲文根柢六經躡蹠諸子百家能不露其踔厲風發之狀行臺御史中丞屢以教官館職遺佚薦不就以師道自尊授徒講學聲望蔚然至

正中卒著桂隱集

莊節韓性

公字明善紹興人博綜羣籍尤深性理之學四方來受業者戶屢至無所容出無童馬所過負者息肩行者避道巷夫婦孺咸稱之曰韓先生云天厯元統屢薦不就卒賜諡莊節先生有文集

左丞張思明

公字士瞻輝州人至元中辟省掾帝親擢爲都事元貞初召爲檢校六曹無滯案大德間除江浙行省郎中歲饑首贊振貸仁宗朝拜參知政事被誣家居天厯初復中書左丞卒諡貞敏

學士張昇

公字伯高平州人至元末用薦入國史院預修世祖

寶錄至大中知汝寧府焚民誣首禁書得免冤濫歷
官廉訪使振饑蠲賦全活甚衆元統初召拜奎章閣
大學士知經筵謚文憲

學士陳顥

公字仲明盧龍人以薦入宿衛成宗崩仁宗入定內
難迎立武宗公預謀焉仁宗嗣服推擁戴功拜集賢
大學士科舉之行贊助爲多至元中卒謚文忠樂談
人善惡聞人過仁厚性成云

侍講梁曾

公字貢父燕人至元中用累考及格授都事歷遷知
南陽府召爲兵部尚書使安南久之再使宣布威德
率其國相詣闕帝大悅解衣賜之仁宗朝拜集賢侍
講學士歸寓淮南以圖史自娛卒書法出入率更

承旨劉敏中

公字端甫章丘人至元中由中書掾累擢監察御史
劾奏桑哥不報辭職歸召起厯遷國子祭酒大德中
宣撫遼東山北守令貪暴一繩以法武宗朝官至翰
林學士承旨卒謚文簡有中菴集書類宋仲溫

樞密王約

公字彥博真定人用薦辟中書掾拜御史直郭佑冤
案王鼎罪觸桑哥怒六奏請殺之上不從厯事成武
仁三宗拜樞密副使至治初致仕文宗時卒平生著
作有史論高麗志及潛丘稿

賓客宋·衛

公字弘道潞州人中統閒授翰林修撰趙壁帥襄陽
公從軍旅多所諮訪遷行省員外奉詔徙江華島民

於平壤復命稱旨賜衣慰答初立詹事院首擢太子賓客尋卒有柩山集十卷書體酷似虎兒

學士張伯淳

公字師道崇德人至元間由教授遷廉訪司知事用薦召對當世大略稱旨命至政事堂將重用固辭授翰林直學士謁告歸官治中行省檄案疑獄得情大德中拜侍講學士卒有文集書宗歐體

平章趙世延

公字子敬雲中人至元中授雲南諸路提刑判官討降烏蒙酋擢監察御史劾桑哥按平陽獄稱明允累遷安西路總管前政壅滯二千牘不三月判決殆盡除翰林承旨學士尋爲帖木迭兒誣奏繫獄久之得釋文宗立著定策勳拜中書平章事順帝時卒謚文

忠爲文章波瀾浩翰有風憲宏綱行世

衍聖孔思晦

公字明道孔子五十五四世孫至大中舉茂材官教諭
仁宗崇儒尚道詔襲封衍聖公修建尼山書院昭毓
聖之地祭器禮服整頓一新元統初卒有神光落舍
白鶴百餘翔繞謚文肅

學士盧摯

公字處道號踈齋涿郡人官至翰林學士碑版文章
多所命筆書體工妙與郭貫齊名

中丞張起巖

公字夢臣禹城人登延祐進士由修撰除御史抗章
力持臺紀累轉燕南廉訪使搏擊豪強貧民吐氣拜
御史中丞論事剴直不可回奪詔修宋史成卒謚文

大觀錄卷十

三怡寄軒

穆著華峯類稿金陵集書工篆隸饒有勝韻

承旨歐陽立

公字原功瀏陽人中延祐進士由縣尹累官翰林學士承旨在外僚平反疑獄搏擊豪強撫諭蠻獠安集谿洞三任成均兩爲祭酒六入翰林三拜承旨高文典冊多出其手屢主文衡再知貢舉贊決機務羽翼斯文具其功焉卒謚曰文著圭齋集正書略似元常方整古厚

諭德許有壬

公字可用湯陰人延祐進士授遼州同知累拜集賢大學士太子諭德卒謚曰文忠歷事七朝數歷中外垂五十年風采政績赫然於時居臺省國家大事尤侃侃辯諍不爲權勢所奪著至正集筆札極精妙

祭酒宋 本

公字誠夫大都人至治初賜進士及第授修撰改御史論事觸權要調國子監丞會災異復抗論朝堂詞氣奮激衆皆聳聽元統初拜集賢直學士國子祭酒卒制行純白以斯文自任著至治集書法雄渾

學士李 洞

公字澆之滕州人姚燧薦入國史院久之擢長史升待制天歷初開奎章閣召拜學士進輔治篇朝廷大議必使參預修經世大典成卒有詩文集以青蓮自擬人亦許之善篆隸草真皆精詣得晉人法

參政蘇天爵

公字伯脩真定人釋褐爲從仕郎擢行臺御史慮囚湖北讞獄明允入改奎章閣授經郎元統初復拜御

大觀錄卷十

三怡寄軒

史在官四月章四十五上參議中書省夙夜謀畫鬚髮盡白累升江浙行省參政節制方略老帥宿將莫能過之病卒於軍身任一代文獻之寄著文類國朝名臣事略及詩文稿書法頗學趙文敏

參政王都中

公字元俞福寧州人弱冠由門蔭授平江路治中僚吏頗易視之遇事剖決如神皆矚眙不敢欺累拜江浙行省參政卒謚清獻歷仕四十餘年所至政績譽暴卓有古循吏風著本齋集書類吳瑯發源老米

左丞呂思誠

公字仲實平定州人泰定進士授禧縣尹刻先師象於社學令士子知嚮仰招徠流移使勤樹畜升編修文宗欲取閱國史叩閣力爭三爲祭酒累拜中書左

丞謚忠肅著兩漢通紀書體端疑有雍容廊廟氣概

尚書汪澤民

公字淑志婺源人泰定進士知平江州請奉母之官
便養遷南安平江諸路推官鞠獄明允召修宋史書
成拜集賢直學士進禮部尚書致仕家宣城瑣南班
叛被執大罵不屈遇害謚文節書體飄逸可愛

尚書干文傳

公字壽道平江人中延祐進士乙科累官令牧長於
理劇所至治行稱最鞠久不決之疑獄及富民之鬻
獄者設施類古循吏召修宋史成以禮部尚書致仕
主試鄉闈薦拔皆名士書法古厚題識最富

廉訪李稷

公字孟齋滕州人泰定進士授淇州判官淇故衝劇

擊奸發伏著能聲入爲翰林拜御史敢直言至正中累官山東廉訪使卒謚文穆出入臺省二十年始終無瑕疵爲時名卿云書法端方挺勁似圭齋一種

郡侯曹鑑

公字克明宛平人大德中辟掾史伴送安南使還國唱酬響應外使數服累升太常練習典故禮樂度數罔不詳辨拜禮部尚書卒封譙郡侯謚文穆家無餘貲惟手校書數千卷及文集書法雄健中具姿態

承旨張翥

公字仲舉晉寧人少不羈長從李存仇遠游遂以詩文名至正初用薦命修遼金宋三史成累升翰林學士承旨致仕卒年八十二善諧謔笑傾其坐人而器宇藹然如在春風中著忠義錄書法勁秀

祕書貢師泰

公字泰甫宣城人釋褐爲從仕郎擢紹興路推官詳
讞疑獄多所平反民以不冤累拜戶部尚書分部閩
中以鹽易米京師賴焉至正末召爲祕書卿卒接引
後進惟恐不及士譽歸之有文集書工楷法

左丞周伯琦

公字伯溫號玉雪坡真逸鄱陽人以門蔭授南海主
簿轉修撰至正初改奎章閣爲宣文閣除授經郎命
篆宣文閣寶及扁并摹王書蘭亭智永千文刻石閣
中帝字呼而不名累升直學士江浙行省左丞滯留
平江淮張減歸卒著六書正譌說文字原及詩文稿
小篆學徐鉉正書結體有法

參政吳當

大觀錄卷十

重怡寄軒

公字伯尚澄之孫用薦官助教詔修遼金宋三史成累升翰林直學士拜肅政廉訪使招捕江西諸郡禽殄兇渠建撫悉定中蜚語解兵柄尋得功狀知其誣復行省參政時友諒已陷江西公戴黃冠着道士服杜門著書友諒辟之以死自誓拘留江州不屈卒著周禮纂言及學言稿書體豐肥筆力矯健

孝廉陸文圭

公字子方江陰人世稱牆東先生延祐初中鄉舉朝廷數遣使幣聘不果行卒凡天下郡縣沿革人物土產悉能默記於地理考覈尤詳死後葬墓不封不樹免發冢之難著牆東類藁書法嚴整妙有風趣

待制周仁榮

公字本心臨海人泰定中由省掾召拜國子博士升

集賢待制奉詔代祀嶽瀆至會稽疾作不復還朝卒
公承其父敬孫家學妙於文章所教弟子俱成名卿
楷書宗率更弟仔肩字本道進士任判官亦工書

監丞陳旅

公字衆仲莆田人虞集延致館與馬祖常游譽公卿
閒趙世延薦之朝除國子助教滿考諸生不忍舍請
再任至正初擢監丞卒於文自先秦及唐宋無不體
究有安雅堂集十四卷書善古隸而行楷更有法

禮部吳師道

公字正傳蘭谿人至治初登進士授高郵縣丞明習
文法吏不敢欺調寧國錄事勸輸振饑活民三十餘
萬選建德尹復學田減茶稅政化翕然升禮部郎中
卒著文集二十卷行書緊簇下筆雖拙却有古意

大觀錄卷十

柔怡寄軒

祕監李孝光

公字季和樂清人隱居鴈蕩五峯山下學者日至順帝時應詔赴闕見帝於宣文閣進孝經圖說授祕書監丞卒以文章負盛名措辭命意取法秦漢不趨時尚有雁峯集二十卷書體似徐季海而行筆甚豪放助教陳繹曾

公字伯敷處州人爲人雖口吃而精敏異常諸經注疏皆能成誦文詞浩博其氣充溢官國子助教與同時陳旅程文俱爲館閣諸公推轂書法篆隸真草體參衆妙

廉訪宇文公諒

公字子貞吳興人至順進士同知餘姚州事久旱下車而雨歲以有年民頌爲別駕兩累遷國子助教六

館之士資其陶甄往往爲名臣僉嶺南廉訪司事卒著玉堂漫稿折桂等集書體端方學歐陽率更

廉使瞻思

公字得之本大食國人家真定天厯中召爲翰林應奉預修經世大典至元初拜陝西行臺御史上封事十條皆人所難言者累升江東廉訪使卒謚文孝所至以理冤澤物爲任學邃羣經而尤深於易至天文地理鍾律算數水利莫不究極撰著四書闕疑老莊精詣諸書及文集三十卷書體沈麗全學黃庭

待制杜本

公字伯原清江人博學善屬文行省丞相忽刺木見其所上救荒策薦於朝召詣闕尋還至正間丞相脫脫復薦爲翰林院待制久之卒學者稱清碧先生著

四經表義諸書楷法謹嚴隸學陽馥碑

處士吾邱衍

公字子行太末人居杭之生花坊好古博學隱居求志不交雜客精於篆學專法陽冰律以石鼓

教授仇 遠

公字仁近號山村錢塘人仕爲溧陽教授造就多知名士有書文集楷書絕倣率更

提舉班惟志

公號恕齋大梁人用薦入經局寫泥金大藏經累官集賢待制江浙儒學提舉書法早歲宗二王筆勢翩翩不失山陰法度晚年入黃華一種未免應酬率易文宗嘗評其書謂如醉漢罵街

博士柯九思

公字敬仲號丹丘生台州人積官至奎章閣鑒書博士長於鑒別能書善畫楷書尤精詣得率更體

教授郭昇

公字天錫丹徒人仕爲吳江州儒學教授游心繪事長於窠木竹石書法風度冲和不入凡格

待制趙雍

公字仲穆文敏子官集賢待制同知湖州路總管府事姿貌雄偉倜儻有父風工真行草得文敏家法其合作處人莫能辨篆宗二李體勢清勁子鳳字文光麟字彥徵俱能書不墜祖訓云

公子趙奕

公字仲光文敏次子隱居不仕詩酒任情翩翩佳公子也真行草書視文敏可以亂真

廉使王士熙

公字繼學構子官至江東廉訪使卒封趙國公風流
蘊藉為士林所慕悅書法清潤整齊妙得唐法

廉訪王士點

公字繼志士熙弟官至四川雲南肅政廉訪副使工
書精於楷法亦能擘窠大字及篆

僉事周 馳

公字景遠聊城人仕為僉燕南廉訪使事經術沈深
憲度著明行草婉約豐妍入山陰堂與

員外張 衡

公字士衡樂陵人官至中書省左右司員外以才望
知名於時草書得張長史法

湛淵白 珽

公字廷玉錢塘人學問該博德望清重世稱湛淵先生書兼行草絕倣南宮

助教辭 漢

公字宗海德清人官國子助教楷書宗率更子植號子立學富才敏楷書亦宗率更而波撇嚴整不苟

平章史性良

公字顯甫鄆城人官至中書平章政事書法得晉人丰格大字結構更精妙

學士趙儼

公字子威真定人官至翰林學士書工行楷全得柳誠懸草法

提舉段天祐

公字吉甫汴人官至江浙儒學提舉負能書名爲藝

苑所推許書體率多平整亦歐陽家令流派也

提舉龔璠

公字子敬高郵人官監國學教授升江浙儒學副提舉書翰流麗得晉宋人風度

學士張璩

公字公弁真定人少而岐嶷以才名著官至集賢大學士封滕國公工篆書醇古可玩

待制倪中

公字中愷信州人官至翰林侍書工正楷結體端勁有骨復清潤可愛非沾沾以瘦硬爲法者

推官高翼

公字茂之南陽人官嘉興路總管府推官字學正行草皆矩矱晉宋但不知六書偏旁時作謬體耳

教授吳里

公字處仁號逸民錢塘人官江陰州儒學教授草書得鮮于太常法度

總管汪從善

公字國良臨安人官同知福建邵武路總管府能作大書正體得晉人紀律

宣慰任仁發

公字子明號月山華亭人官浙東宣慰副使以畫馬擅名書尤專心造詣得北海三昧

照磨宗椿

公字壽卿山東人官江南行臺御史照磨書似黃華老人而大字結體工妙

御史孟昉

公字天緯西域人家北平至正中官江南行臺御史
有待制集書工行楷

參政劉楨

公字廷榦燕南人官福建行省參知政事負能書名
翰札特妙

總管楊益

公字友直洛陽人官同知臨江路總管府事隸書學
廬江太守碑篆亦古峭

待制劉致

公字時中河東人官翰林待制風情高簡馳譽名工
篆學著復古糾繆篇行世草法晉人但舉止生澀耳
燕人張德琪

公字廷玉燕中豪家子刮磨北鄙剛勁之習讀書樂

道游心梅竹行書學劉房山草書學張長史

進士牛麟

公字伯祥太原人工詞賦爲當代名宿所許可能作
擘窠大字行楷尤稱端門云

治中趙期頤

公字子奇沐梁人官至陝西行臺治書侍御史工篆
書得古法

照磨傅若金

公字汝礪新喻人長於詩律仕爲廣東廉訪司照磨
正書學歐陽率更得九成宮銘神態

郎中李敏中

公字好古河南人官至陝西行中書省左司郎中工
大字有磅礴之勢

大尹石巖

公字民瞻京江人嘗官縣尹行楷隸書皆步趨古法而有冰藍之妙

參政胡益

公字士弓鄱陽人官至中書省參知政事真行書師趙文敏都下碑版文章多其手筆

四明袁袞

公字德平著書學纂要使游藝之士有所歸宿其論人品格調亦斤斤不失繩尺書體逼魏晉

浦江鄭瑤

公字彥瑛與趙魏公同時書法絕仿魏公得其旨趣亦虎賁之於中郎也

吳興章德懋

公字茂功，臨波亭中捉刀人也。文敏當求書者，縑紙填委，則命公代書，以塞求者之請。字畫莫辨。

硯北陸友

公字友仁，平江人。別號硯北生，好古博學，隱居求志，書工四體，皆合矩度。

教諭錢良佑

公字翼之，江村民。其別號也。平江人至大閒官吳縣教諭，耽書嗜古，好延攬名士，篆隸真草無不工。妙子達字伯行，仕爲行中書省員外郎，四體書俱承家學，而有撞破煙樓之譽。

平江羅志仁

公字居仁，澹泊明志，不趨榮利。書工行楷，超逸絕倫，妙得晉人風致。

錢塘吳叡

公字孟思錢塘人專精篆隸之學而於隸書尤奇古
但行筆刻畫耳

山人俞和

公字子中號紫芝生武陵人真行草書皆師趙文敏
其妙處駸駸有度驕驕之勢

漢東宣昭

公字伯綱號艮齋淹貫古今凡天文地理陰陽術數
諸子百家下逮稗官小說無不通曉又能精研義蘊
非僅以涉覽爲名高也翰札尤工諸點畫波磔入法
咸備正書妙得率更勤力

莆田鄭杓

公字子經作筆窠大字絕有氣概兼精八分書所著

有術極一書行世

主簿吳福孫

公字子善錢塘人仕上海縣主簿不卑小官頗著能聲書兼楷篆但未優入神化之域耳

路判王 畝

公字季野都中子仕爲成都路總管府判官綽有令譽真行草師二王圓勁純熟度越流輩

隴西邊 武

公字伯京號玉蓑漁者真行草書俱學伯機往往亂真子定字文靜正書學宣伯綱亦號出藍

大尹俞 鎮

公字伯貞嘉興人知建德縣事臨民聽政有能聲行草學李北海

沂州董復

公字君復自沂僑寓京江篤志翰墨全學鮮于太常
流麗自喜

員外林鏞

公字叔大嘉興人官至江浙行中書省左司員外郎
正書學虞永興稍隔戶限

吳郡鄭禧

公字熙之善繪事山水學董北苑墨竹禽鳥學趙鷗
波尤能書造詣入古惜多材藝不永天年

司經吳雲

公字友雲宜興人官太子司經才穎不羣名動館閣
書學永興妙得其體

廉使揭泐

公字伯防侯斯子官至燕南肅政廉訪使崇尚風雅
言論英發正書得古人用筆三昧子雲字之德正書
學智永

贊善陳 達

公字元達永嘉人官崇文少監太子贊善清修有志
行真草師二王不筭束於規矩

鄱陽蔣 惠

公字季和號紫芝山人博學多通性明敏有幹略行
草師鮮于伯機正書得晉人風格同時邑屋有朱振
者字良玉行書全做聖教序真書學趙鷗波俱得其
神似稱鄱陽二妙云

華亭王 默

公字伯靜書體全學趙吳興而行筆迅捷有快馬入

陣縱橫馳驟之勢幾於不可方物

樵李劉堪

公字子與學問淵博才情斐亶工古隸快劍長戟森然相向的有其法

參軍楊椿

公字子壽蜀人博學工詩以知兵參脫寅軍謀准張入平江巷戰死張文蔚爲作誄書體端嚴最多題墨

學士廉希貢

公字薌林畏吾人官至昭文館大學士卒封薊國公善書大字小行楷亦工妙

都事夏煜

公字明元號白雲漫士官上虞尉贈福建江西行樞密院都事學書於雪菴得其典則弟復初字明本官

樂清縣尹小篆師徐騎省古隸師鍾梁從子文昭字
晉生江浙儒學提舉楷法歐陽率更

廬山葛萬慶

公號越臺洞主能詩務爲不經人道語工草書酒酣
染翰愈臻妙境

沐梁杜敬

公字行簡號夷門老人自沐徙杭蓄古人墨蹟及金
石碑刻甚富故觚翰特工

如皋唐志大

公字伯剛多收法書名畫負鑒賞名行草落筆巉聳
略無頽滯

臨川宋季子

公以字行嘗增廣漢隸字原及撰次兩漢字統十二

卷禪益藝林書工古隸殆庶元岑云

華亭衛德辰

公字中立以材幹見稱於時工書學舍利塔銘從子
仁近字叔剛諸子百氏無不該貫游於楊鐵崖之門
風流蘊藉目爲才子楷書學黃庭經具一種瀟灑清
逸之氣

松江曹永

公字世長正書學鍾元常行書學二王尺牘之美流
譽士林云

提舉朱德潤

公字澤民雖陽人居崑山官至鎮東儒學提舉書法
秀逸端行可尚

提舉鄭元祐

公字明德遂昌人號尚左老人官至平江路儒學提舉書法雅健自然合格

進士楊維禎

公字廉夫號鐵崖會稽人居華亭狷直忤物官止江西儒學提舉築室松江之上造門納屨殆無虛日酒酣以往筆墨橫飛鉛粉狼藉賓客翩跹起舞人以爲神仙中人行草書雖未盡合古然剛毅之氣可掬

山長楊維翰

公字維翰號方塘鐵崖兄也任饒州雙谿山長工文章畫蘭竹丹丘以爲不可及書法亦瀟灑可玩

提舉張淵

公字清夫吳江人博學好古嘗任東省提舉有書名於世

路判顧安

公字定之淮東人家崑山官泉州路行樞密院判官
工行楷得文敏風致

編修蘇大年

公字昌齡以字行真定人寓揚州官翰林編修淮張
開藩聘爲參謀稱之曰蘇學士實未嘗仕也爲文章
不喜衰颯湖海襟懷亦人中之豪也書工小楷行押
入分諸書並造詣入妙

騎尉顧德輝

公字仲瑛一名阿瑛號金粟道人崑山人署會稽教
諭不就以子元臣貴封武略將軍飛騎尉築玉山草
堂簾館聲伎之盛甲於天下日夜與高人俊流觴詠
唱和子元臣水軍都府萬戶書法自有山林偃仰象

武林黃中

公字彥美行狎出風入雅秀麗可觀草書亦有樹折
顛崖寒藤挂壁之態

郎中周宗仁

公字克復伯琦子官山東行省左右司郎中篆書善
承家學人謂不減乃父云

餘姚鄭炳

公字元炳書法絕倣晉人而行筆抑揚頓挫姿態橫
生觀之殊有雋味

州牧杜從訓

公字義方鄆城人官知江陰州事書法出入坡公涪
翁閒而結字穩密

閩海張伯仁

公字至道工篆書釵頭屈玉鼎足垂金古法具備行
草亦規摹晉宋

黃巖陳德永

公字叔夏德望清重書宗李北海

華亭章弼

公字拱辰篤志經史器局宏遠卅歲卽能大書扁榜
及長真行草篆師法趙魏公固寧馨物也

冰壺道人范居中

公字子正冰壺其別號也爲四才子之首善畫筆牘
最工妙

道士吳全節

師字成季饒州人年十三學道於龍虎山至治初授
立教大宗師賜玉印一銀印二代祀嶽瀆還成宗問

所過郡縣守令賢否師以盧摯對卽召拜學士仁宗時翰林閣復遭狂士誣訐禍叵測師力言爲解當時謂爲朝廷得敬大臣體師之功也推轂善士振窮周急惟日不足卒年八十二

道士張 兩

公字伯雨號句曲外史武林人學道三茅峯才名滿天下館閣諸大老咸推重之著貞居集靈音古調絕無人閒食煙火氣書法清勁秀潤自成一家馴有馮虛欲仙之致

高僧明 本

公號中峯杭人坐道場於吳興之天目山博涉儒書悟通禪觀爲詩文不假構思援筆立就仁宗賜號廣慧禪師文宗賜謚智覺著廣錄揭曼碩爲之序奉詔

大觀錄卷十

吳怡倚軒

刊行書法似柳葉飄揚雖未入格自成一家書品

高僧萬金

公字西白吳郡姚氏子從道原衍雜染寶積院洪武初住持天界寺時召入對建法會於鍾山大駕臨幸命公闡揚第一義諦尋示疾化去世壽四十七書畫皆宗黃鶴書體尤圓熟禪門尊宿藝林龍象也

教主妙聲

公字九皋吳縣人居虞山之慧日寺洞明止觀博綜內外典工詩文嘗住持蘇州北禪寺洪武三年召赴闕奏對稱旨命主天下僧教著東臯錄七卷書法絕倣趙魏公得其神韻